

Orde de selección das direccións

CIG-Ensino segue a defender un sistema de selección en dúas fases no que prime o profesorado do centro



A CIG-Ensino segue a defender un sistema no que primeiro só se presenten as candidaturas do profesorado do propio centro e posteriormente, se hai prazas desertas, un concurso aberto, pero temos claro que o decreto 222/2022 non o posibilita tras a negativa da Consellaría.

Tamén nos gustaría que o curso de dirección fose un mérito e non requisito e seguimos solicitando que se elimine a entrevista e que a **avaliación ou proposta do claustro sexa vinculante**, tanto para os nomeamentos (extraordinario ou accidentais) como para a avaliación e revogación.

De manterse o requisito do curso de dirección, solicitamos que o persoal docente que tivera desempeñado máis de 2 anos o posto de director ou directora ou catro noutro cargo directivo estea exento de facelo. E sobre todo, **solicitamos que elimine a obrigatoriedade de realizar o curso para quen foi nomeado con carácter extraordinario.**

A Consellaría despreza o ditame do Consello Escolar de Galiza

No ditame aprobado tras o debate do proxecto do decreto de direccións no pleno do Consello Escolar de Galiza (CEG), do 16 de decembro de 2021, incorporouse a seguinte proposta da CIG-Ensino sobre a composición da comisión de selección:

- 2 persoas designadas pola xefatura territorial (unha da inspección e outra que exerza como directora ou director)

- 4 docentes elixidos polo claustro
- 3 representantes non docentes elixidos polo consello escolar.

Malia iso a Consellaría mantivo a composición que lle interesaba no texto do Decreto 222/2022 e que reproduce nesta nova convocatoria, lexislando de costas ao profesorado e ao conxunto da sociedade.

Desde a CIG-Ensino esiximos respecto aos ditames e demandamos que se corrixa o artigos 7 e 8 do decreto, o que levaría a mudar os artigos 5 e 6 da orde.

Na lectura das modificacións da orde para adaptala ao decreto vese un paso atrás en canto a redacción en canto ao xénero, esperamos que teña unha posterior revisión.

Pódese repasar a nosa postura sobre o decreto de selección, nomeamento e cesamento das directoras e directores na seguinte [ligazón](#)

Propostas ao articulado

Artigo 3.1.c. Debe indicarse que o proxecto estea redactado en galego.

[A administración non acepta esta proposta.](#)

Artigo 5. Máis alá do que xa comentamos da composición da comisión, consideramos que a sede da comisión non pode ser elixida pola presidencia da Comisión xa que debe ser no propio centro, como se indica na Lei (135.2).

[A administración non vai variar a redacción, entende que é máis operativo que sexan os demais integrantes da Comisión quen se despracen e non a inspección. Para a CIG-Ensino isto é un sen sentido.](#)

Artigo 6. A Consellaría volve rectificar a composición da comisión en centros incompletos, logo da advertencia da CIG-Ensino e que non foi

recollida na orde publicada o ano pasado. **Agora ben, mantense a decisión enfermiza da Consellaría de querer meter a toda costa á inspección educativa en todas as comisións.**

Falamos de centros nos que non se poida nomear a dous docentes. A comisión quedaría así:

- unha persoa do corpo de inspección
- unha profesora ou profesor do centro
- unha integrante non docente do consello escolar.

A CIG-Ensino defendeu e defende que nos centros incompletos non se debería elixir comisión e que fose directamente o Consello Escolar, con presenza dunha representación da Consellaría, quen seleccionase á dirección.

[A administración non acepta esta proposta.](#)

Artigo 7.4. Entrevista. Mantemos que a entrevista non debe existir.

[A administración non acepta esta proposta.](#)

Artigo 7.6. Transparencia. Publicación tanto da resolución provisional como definitiva das puntuacións e a selección na páxina web da Consellaría, creando unha aplicación específica como no caso das oposicións. Cada comisión colgaría na súa sección toda a documentación, aumentando a transparencia e facilitando a consulta por parte de todas as persoas interesadas. Non abonda con colgar a información no taboleiro dos centros.

[A administración non acepta esta proposta.](#)

Baremo

En canto ao baremo, e aínda que sabemos que ben fixado polo decreto seguimos a considerar que hai apartados que deberían cambiar:

Apartado 2.3. Eliminar a puntuación por cargos de subdirector ou xefatura de servizo na Administración educativa.

[A administración non acepta a proposta.](#)

Apartado 3.2, 3.3 e mestrados. É obvio que existe unha polémica co tratamento que se dá en diferentes convocatorias (oposicións, concurso de traslados) a graos, licenciaturas e diplomaturas polas correspondencias desas titulacións a MECES 2 e MECES 3. Demandamos que exista en todo tipo de convocatorias un mesmo criterio e que en todas se puntúen as mesmas titulacións.

[A administración di que legalmente para estes efectos grao e licenciatura non son o mesmo. Non acepta a proposta de incluír os mestrados.](#)

Outras propostas

Solicitamos que o proxecto teña unhas indicacións mínimas de como se vai avaliar, non chega con dicir que temas ten que tratar, ten que incluír unhas rúbricas para facilitar a labor tanto a quen realiza o proxecto como a quen o valora.

Seguimos reclamando que se regulen as **substitucións dos cargos directivos**, nos casos nos que é necesario incorporar nas súas funcións a docentes que non forman parte da equipa directiva (baixas longas etc) e que sempre se paguen e contabilicen como méritos.

Non pode ser que unha directora ou director colla a baixa e a persoa que os substitúa nesa función non cobre nin se lle puntúe ou que se resinta o traballo da dirección se a substitución se realiza con outra persoa integrante da dirección.

[Non aceptan ningunha destas propostas.](#)

A administración notifícanos que O CEIP Curros Enríquez da Coruña, non debe aparecer no listado dos centros, xa que a dirección ten solicitado a prórroga.

OS NOSOS LOCAIS

SANTIAGO (Local Nacional)

Rúa Miguel Ferro Caaveiro 10
15706 Santiago de Compostela
☎ 981 57 68 00 / Fax 981 575 839
santiago@cig-ensino.gal

A CORUÑA

Rúa Alfonso Molina s/n
15007 A Coruña
☎ 981 169 810 / Fax 981 291 735
acorunha@cig-ensino.gal

BAIXO MIÑO

Praza da Guía 3, Baixo
36780 A Guarda
☎ 986 610 465 / Fax 986 610 465
baixomiño@cig-ensino.gal

MORRAZO

Rúa Atranco 19a, Entrechán 1
36947 Cangas
☎ 986 302 987 / Fax 986 302 987
morrazo@cig-ensino.gal

FERROL

Rúa Eduardo Pondal 41-43
15403 Ferrol
☎ 981 358 750 / Fax 981 358 760
ferrol@cig-ensino.gal

LUGO

Ronda da Muralla 58, 2º Andar
27003 Lugo
☎ 982 245 023 / Fax 982 253 891
lugo@cig-ensino.gal

OURENSE

Parque de San Lázaro 12, 4º
32003 Ourense
☎ 988 238 350 / Fax 988 222 855
ourense@cig-ensino.gal

PONTEVEDRA

Rúa Pasantería 1, 2º Esquerda
36002 Pontevedra
☎ 986 861 513 / Fax 986 855 050
pontevedra@cig-ensino.gal

A MARIÑA

Avenida de Galicia 20, 1º
27700 Ribadeo
☎ 982 129 593 / Fax 982 129 593
amarinha@cig-ensino.gal

VAL DE MONTERREI

Rúa Pedro González 5, 1º
32600 Verín
☎ 988 412 345 / Fax 986 411 013
verin@cig-ensino.gal

VIGO

Rúa Gregorio Espino 47, Baixo
36205 Vigo
☎ 986 827 935 / Fax 986 262 844
vigo@cig-ensino.gal

SALNÉS

Rúa Alexandre Bóveda 2, 2º
36600 Vilagarcía
☎ 986 505 323 / Fax 986 505 323
salnes@cig-ensino.gal